

105 Дабы яко солнце денница свѣтила,
 славою концы земли исполнила.
 Утро денница обыче сияти,
 о дни будущемъ благовѣствовати.
 Вомалѣ дастъ богъ день пресвѣтлый будетъ,
 110 егда денницы свѣтлости прибудетъ
 В многихъ побѣдахъ на вси страны свѣта,
 точию дай богъ многа ему лѣта.

10

Зѣло Россія в свѣтила богата,
 якъ звѣздами небо; сице в ней полата
 115 Царска сияетъ царевенъ лѣпотами,
 звѣздамъ подобныхъ всими добротами.
 Спросить бы солнца, аще видѣ ровну,
 яко Ирину в Руси Михайловну;
 Ей подражаетъ благородна Анна,
 120 в единыхъ стопахъ с нею Татианна,
 Царя Михайла дщи Федоровича,
 царствъ многихъ и князствъ истинна дѣдича.
 Что Евдокиа з Марфою сestroю
 есть в рускомъ свѣтѣ, аще не звѣздой!
 125 Равнѣ Софіа имать возсияти,
 Екатерина такожъ з благодати
 Дателя всѣхъ благъ. Твоя дщери, царю,
 возрастъ приемше по вышняго дару.
 И нова свѣтлость новонарожденна
 130 просвѣтитъ сей миръ Марія царевна.
 Вси бо суть свѣтъ намъ. Тѣмъже молимъ бога,
 да соблюдетъ я на лѣта премнога.

11

Еще свѣтила и азъ усмотряю,
 в нихъ же солнечну силу обрѣтаю.
 135 Князи, бояре не мрачно сияютъ,
 егда ти царску волю исполняютъ.
 А зари свѣтлы в онѣхъ суть тобою,
 яко же солнцемъ в звѣздахъ со луною.
 К тому не мала суть свѣтила власти,
 140 иже о твоёмъ молѣбствуютъ щастіи.
 Да побѣдитель будешьъ всего мира
 и да исполнитъ миръ тобою вѣра.
 Всимъ того дѣля сердца привѣтствуемъ,
 на многа лѣта жити усердствуемъ.